

皇朝政典類纂

軍禮大狩

凡狩田設圍場於古北口外曰木蘭以總管掌其地政歲遇 皇帝行田既奉 旨總理行營王大臣奏請擇導官一人先蒞圍場於 鑾輿所經之地除道清軌行文所司儲備宗人府內閣部院奏請欽命扈從王公各官八旗護軍統領 命統領三人營總三人其參領以下及護軍由八旗酌委奏 聞先期由部行文駐防將軍都統副都統各選所屬官兵材藝優長者分班遣赴 京師隨圍學習會典

凡巡幸所至各備圍場 車駕東巡由部移文 盛京等處將軍經行蒙古諸部由理藩院行知扎薩克王等各率所屬官兵以從 命統圍大臣分翼合圍均如前制 會典

凡田於近郊設圍場於 南苑以奉宸苑領之統圍大臣督八旗統領等各率所屬官兵先蒞圍場布列鑲黃正白鑲黃正藍四旗以次列於左正黃正紅鑲紅鑲藍四旗以次列於右兩翼各置旗以為表兩哨前隊用白兩翼用黃中軍用鑲黃 駕至圍場合圍較獵與前制同 會典

行圍 御營建黃幔城外為網城網城連帳百七十五架設旗門三南門建正白金龍纛二東門建鑲黃金龍

纛二西門建正黃金龍纛二周圍建鑲黃金龍三角旗共四十一守以上三旗護軍去網城連帳十有二丈為

外城連帳二百五十四架設旗門四南門一日建正藍金飛虎纛二二日建鑲藍金飛虎纛二東門建鑲白金

飛虎纛二西門建鑲紅金飛虎纛二北門建正紅金飛虎纛二周圍東南面建正白西南面建正紅東北面建

鑲黃西北面建正黃金飛虎方旗共六十守以下五旗護軍去外連帳六十丈周圍設警蹕帳房四十架每帳房建護軍旗各一東南面正藍西南面鑲藍東北面鑲白西北面鑲紅共四十以八旗護軍專司警蹕通志

南苑行園在永定門外距都城二十里周垣百二十里緣垣爲門凡九正南曰南紅門東南曰迴城門西南曰黃村門正北曰大紅門稍東曰小紅門正東曰東紅門東北曰雙橋門正西曰西紅門西北曰鎮國寺門大紅門內爲更衣殿大殿小紅門西南爲舊衙門行宮鎮國寺門內爲新衙門行宮南紅門內爲南衙門行宮黃村門內爲圍河行宮瞭鷹臺在南海子內高六丈徑十九丈有奇圍徑百二十七丈圍河有九十四泉又一畝泉有二十三泉有五海子會典事例

盛京圍場南自沙河爾郎頭南三通河沿起至北阿機格色合勒北義通河沿止四百八十餘里東自輝法城起至西威遠堡邊門止四百九十餘里東南自駱駝磯子起至西北三因哈達交界西北封堆止五百一十餘里西南自英額邊門起至東北色珠勒阿林止五百二十餘里設荒營協領管守會典事例

索約爾濟圍場周一千三百里西界喀爾車臣汗部落南界科爾沁及烏珠穆沁部落東與北俱界黑龍江共設卡座四十處會典事例

木蘭圍場在熱河北介蒙古部落中川原回互周一千三百餘里南北相距二百餘里東西相距三百餘里周遭設卡倫守之每歲白露後鹿始出聲而鳴效其聲呼之可至謂之哨鹿國語謂之木蘭今以爲圍場之通稱凡圍場之名曰塔哩雅圖曰永安莽喀曰巴顏喀喇曰威遜格爾曰溫都爾華曰額爾滾果曰巴顏布爾哈蘇台曰巴顏溝曰岳樂曰珠爾曰巴顏木敦曰德爾吉曰達顏德爾吉曰必圖舍哩曰阿濟格鳩曰多滿曰額

博蘇實納曰額倫索果圖曰庫爾圖察罕曰實喇德卜色曰額爾吉圖察罕曰永安拜色欽曰巴顏圖庫瑪曰鄂爾吉呼哈達曰永安拜曰英圖曰哈里雅爾曰喀喇瑪拉噶曰齊老圖德爾吉色欽曰明安阿巴圖曰德勒格楞桂鄂博曰孟魁色欽曰巴顏托羅海曰布克曰汗特穆爾曰庫庫哈達曰愛里色欽曰喀喇楚古素曰克呼曰克爾班實納曰察罕扎卜曰實納諾海曰噶海圖曰布古圖曰默爾根烏里雅蘇台曰呼魯蘇台曰巴拉圖曰色塔曰扎哈烏里雅蘇台曰都呼岱曰哈達圖扎布曰圖們色克圖曰們都阿嚕曰坡賴曰默爾根精奇尼曰古爾班古爾班曰森濟圖曰布都哩曰珠爾噶岱曰哈朗桂曰和齊果勒曰豐濟曰喀果爾鄂博曰阿噶布魯克曰巴顏莽喀曰沙爾當曰圖爾根伊兆爾凡六十餘所每歲車駕大獵或十八九圍或二十圍逾年更易承以爲制

凡每歲設圍預期定圍場於某處自某處起經由某處於某處收圍均編定地方至期官兵於黎明卽赴圍場布圍成列恭候御蹕臨圍射獵又以八旗官軍善騎射者於蒙古圍外環以重圍以射逸出圍外之獸通志天命十年四月太祖高皇帝自瀋陽城出獵賜飭武備申明禁令訓示行軍之法通志

天聰二年十二月太宗文皇帝率諸貝勒羣臣出獵於三窪地上親殪五虎從臣皆驚服通志

四年十一月幸扎木谷行獵御袍帽手不入袖控縱馳射若不知寒漢人蒙古各官莫不欽服通典

六年十月己巳上行獵至新哈達地方庚午獵於費德里山甲戌上還瀋陽諭諸貝勒大臣曰凡出兵行獵時有爲盜者論罪大小或殺或鞭久著爲令乃此番行獵仍有盜鞍轡靴屐等物者是法令不彰而人不遵守也夫蒐苗獮狝原以講習武事必紀律嚴明然後人不敢犯今行獵兵少尙多犯法若師行動衆將何以

約束之乎爾諸貝勒大臣其徧行親察嚴加懲治於是諸貝勒大臣等嚴查緝獲 上以就彼地處分恐衆人不知令攜至瀋陽梟首以徇丁亥 上率諸貝勒出地載門往獵於葉赫地方庚寅 上行圍 諭諸貝勒曰爾等不可以獵人所射之物冒爲己之所射而奪取獵人誰不懼爾諸貝勒若爾等強爲己有而奪之誰敢抗拒時阿爾薩蘭布庫侍側 上目之曰如彼最稱強勇我欲令之仆彼敢不仆乎遂以手指阿爾薩蘭令之仆卽仆因 諭曰爾等若強奪獵人之物亦如是也自後獵人不得以己之所射因貝勒之故而讓之宜各就獸被傷處審驗眞僞再令隨爾等之繇甲軍各立誓倘再有廝卒人等盜取馬絆韉轡等物者罪及其主決不姑宥至爾等之廝卒出入圍場者俱不得攜帶弓矢違者罪之通考

八年十一月 上率諸貝勒獵於蒙古地方 諭曰蒐苗獮狩古人原以之講武須有紀律若猝遇猛獸不可輕射毋許一二人逗留在後有逗留者執之若遇黃羊勿逼近追逐恐逼逐之反致從後逸出爾等各按汛地分圍駐守帶傷之獸不可隱藏馬之羈勒鞍轡毋相私竊違者罪之通志

崇德二年四月 上率諸王貝勒往葉赫地方渡遼河行獵通典

七年十一月 上率諸王貝勒行獵勒克地方由鐵嶺至於開原通典

順治三年十月禁官員人等於近京百里內圍獵貝勒以上欲獵於百里外者必請 旨方行違者治罪通考
八年九月禮部擬定儀注凡 車駕出獵外藩王以下公以上於行在朝見賜宴各官侍班鳴贊唱贊行禮如不賜宴不侍班行禮亦不唱贊從之通考

十年三月 世祖章皇帝幸南苑行圍通志

康熙二十年十一月 幸塞外至米峪口聞居民有爲虎傷者圍獵南山 親殪大虎二小虎一民絕虎患通典

二十一年十一月定派兵口外行獵之制是月戊辰議政王大臣等奏口外一年兩次行獵講武事宜 上曰一次行獵每佐領派護軍三名騎騎七名太多若口外一時不得水草不亦難乎尙書杭艾等奏曰議政王大臣曾議及此但既爲講武不便太少在外分作兩班行獵亦不爲多口外地方水草似不缺少 上曰一年兩次行獵專爲講武與行兵無異校獵紀律自當嚴明從前行獵之人概令帶旗不許擅射今既講武若概令帶旗不許馳射何以習武此行獵於三四人內令一人帶旗其餘俱令馳射如此遞換帶旗遞換騎射則均可練習武事導獵章京最爲緊要應於章京侍衛內揀選才優者委在其行獵紀律當作何嚴明預令通曉著議政王大臣再議具奏至十二月甲戌朔議政王大臣等遵 旨議定行獵紀律入奏得 旨兵數太多駐營之地水草必致艱難朕意一年派兵一萬二千名分爲三班一次行獵撥兵四千於四月十月十二月令其前往行獵則兵既少水草易得人馬俱不致困乏近見部院衙門官員不諳騎射者多以前亦有派往出征者此行獵亦著一併派出令其嫻習騎射 通考

二十二年三月戊午 諭派出行獵諸王大臣等曰圍獵之制貴乎整嚴不可出入參差令左翼官在左右翼官在右統轄而行宗室公等毋得越圍場班次在後逗留如或逗留則衆人停待圍場必致錯雜爾等須嚴加管轄先是宗人府題分派諸王三班行獵事宜 上曰爾等如何公派和碩安親王岳樂奏曰臣等爲便於行走各視其家族分派 上曰行獵雖係習武亦有整飭號令之事一班之內皆派一旗一家之王恐圍場中不

便彼此爭論隨取擬派人名參互更定復 申諭訓飭之通考

二十四年六月 上幸古北口外行圍通志

三十三年設虎鎗營時黑龍江將軍送精騎善射殺虎新滿洲四十人到京令分隸上三旗設虎鎗營總統一人以內大臣或侍衛充每旗設虎鎗總領以大臣侍衛參領官員充凡 大狩行田則從遇大獸則列鎗從之若 命殺虎則以首先刺虎一二人名奏 聞四月令各省駐防兵每年分班行圍通志

三十七年 十月癸卯 上於奇爾賽必喇地方行圍射殪二虎其一虎臥於山下驚鳥槍聲而起 上隔澗發矢穿其脇虎應弦倒斃新滿洲俱大駭奏曰從未聞隔澗望影能射倒猛虎者也通考

四十年 上巡幸塞外行圍八月甲申 上行圍發矢穿兩黃羊并射斷拉哈里木時近御諸台吉無不驚異奏曰卽鳥槍亦不能穿兩羊並拉哈里木我等自幼從未經見如此射法 上曰此亦借黃羊跳躍之勢故穿耳通考

四十一年奉 旨杭州江寧西安駐防滿洲官兵無出差行走之事徒自安居暇逸必致頹惰廢弛嗣後此三省令該管大員於官員驍騎校及兵丁內揀選在外省生長之人年力強壯弓馬嫺熟者每省令二十四人來京學習隨圍行走既熟練騎射亦可分別優劣以備陞用

四十八年四月 上巡幸塞外九月 上於巴顏託羅海圍場獲異鹿藏其角於內庫通志

五十年 上行圍自熱河啟行八月庚辰次鄂爾楚克哈達是日 上哨獲大鹿十一船廠佐領那柳奏曰臣生長本地一日獲十一鹿者臣實未經見真神奇也 上曰朕從來哨鹿行圍多所殺獲何神奇之有通考

五十八年八月己未 諭近御侍衛等曰朕於騎射哨鹿行獵等事皆自幼學習稍有未合式處侍衛阿舒默爾根卽直奏無隱朕於諸事謂歷者皆阿舒默爾根之功迄今猶念其誠實忠直未嘗忘也朕自幼至今凡用鳥槍弓矢獲虎一百三十五熊二十豹二十五猗猗獐十麋鹿十四狼九十六野猪一百三十二哨獲之鹿凡數百其餘圍場隨便射獲諸獸不勝紀矣朕曾一日內射兔三百一十八若庸常人畢世亦不能及此一日之數也朕所以屢諭爾等者以爾等年少宜加勤學凡事未有學而不能者朕亦不過由學而能豈生而能者乎通考

六十年 上幸塞外行圍 諭議政王大臣等從前曾有以朕出口行圍勞苦軍士條奏者不知國家承平雖久豈可遂忘武備前噶爾丹攻破喀爾喀并侵擾我內地扎薩克至烏蘭布通朕親統大兵征討噶爾丹敗走後又侵犯克魯倫朕統兵三路並進至昭默多剿滅之今策旺阿喇卜坦無端侵擾哈密地方朕徵發阿爾泰及巴爾庫勒兩路兵進剿策旺阿喇卜坦聞之心膽俱碎乃遣策凌敦多卜等潛往西藏劫掠毀壞寺廟土伯特地方已被殘毒朕又遣大兵前往擊敗策凌敦多卜等復收西藏救土伯特于水火之中我兵直抵西藏立功絕域此皆因朕平時不忘武備勤於訓練之所致也若聽信從前條奏之言憚於勞苦不加訓練又何能達至萬里之外而滅賊立功乎爾等諸臣咸宜知之通志

六十一年 上幸塞外行圍賞隨圍蒙古王貝勒貝子公台吉等衣物有差理藩院議定蒙古隨圍之多羅郡王四人各賞緯帽一綿龍緞袍一粧緞褂一佩帶一副韞韞靴一雙腰刀一撒袋一副弓矢具貝勒四人貝子二人公四人減腰刀撒袋弓矢餘與郡王同札薩克一等台吉一人減緞褂餘與貝勒貝子同台吉塔布囊副都

統參領佐領侍衛總管副總管驍騎校等共四百二十二人各賞官用緞一隨團驍騎校槍手鳥槍手前鋒護軍領催哈瑪爾嚮導捕戶等共一千七百四十二人各賞銀六兩奉駝馬人及蒙古王等之隨從人共五百八十五人各賞青布一銀三兩

通考

雍正元年定網城改形圓周設連帳仍開三門各建上三旗護軍旗二守以上三旗護軍於網城十二丈之外又設連帳一重形亦圓四面各設一門南建正藍鑲藍護軍旗各一東建鑲白西建鑲紅北建正紅護軍旗各二守以下五旗護軍均統以營總去營六十丈八旗各設五帳房禁止喧譁營後去二里增設前鋒卡座一如營前

會典事例

雍正八年令八旗人等學習步圖

通志

乾隆元年四月奉 旨專設總理行營王公大臣一人凡行營一應行程圍獵駐蹕守衛等事均隸焉

通志

三年奏准京口杭州漢軍官兵乍浦之滿洲官兵遇行圍之年每處令其揀選八人來京隨團學習

六年七月 上幸木蘭行圍先是三月奉 諭國家武備不可廢弛朕於本年秋月出口行圍原以訓練兵丁

仿古蒐獮之禮昔我 皇祖每歲舉行所經由道路及一切事宜俱有章程朕今歲踵行悉遵舊制地方官員

或借端派累隨從之人或有恣意需索及強買物件不按時價者著直隸督撫不時查參毋得容隱七月啟行

降旨免所過州縣今年額賦十分之三嗣後每年 聖駕出口行圍蠲免額賦例並同八月入圍場九月

回鑾王公大臣等恭迎如儀

通志

十二年七月更定隨團蒙古王貝勒貝子公等賞賜之例

通志

十六年 申諭各省陸路提鎮於冬月照例行圍通志

又奉 旨今歲木蘭行圍卽至多倫諾爾程途稍遠隨往之侍衛參領護軍及各執事人著照六年木蘭行圍之例加恩賞資會典事例

十七年奉 旨熱河隨圍兵丁著止派五十名 又奏准凡遇 聖駕行圍各處駐防官兵來京學習隨圍杭州應派官兵十六員名乍浦應派官兵八員名荊州應派官兵十六員名共四十人爲第一班西安應派官兵二十四員名青州應派官兵十六員名共四十人爲二班江寧應派官兵十六員名京口河南右衛應派官兵各八員名共四十人爲第三班每次一班來京輪流更替兵部將應否令值班省分官兵來京之處豫行具奏請 旨會典事例

二十年八月 幸木蘭行圍時大兵平定準噶爾綽羅斯台吉噶爾藏多爾濟等入覲 賜觀圍通典

二十一年八月 幸木蘭行圍時都爾伯特台吉伯什阿噶什來覲及土爾扈特汗敦噶布喇什之使臣吹扎布入貢皆 賜觀圍通典

二十二年七月 幸木蘭行圍時哈薩克汗阿布賴使臣肯集哈拉等入貢 賜觀圍通典

二十三年七月 幸木蘭行圍時布魯特使臣車里克齊等先後入貢皆 賜觀圍通典

二十四年建 行宮於濟爾哈朗圖每歲 聖駕行圍由崖口入則 回鑾由濟爾哈朗圖由濟爾哈朗圖入則 回鑾由崖口率以爲例會典事例

二十五年八月 上幸木蘭行圍時哈薩克汗阿布賴使臣都勒特赫勒等入覲 賜觀圍通考

二十七年八月 幸木蘭行圍時哈薩克汗阿布賴遣使臣蘇爾統都勒特克勒等入覲 賜觀圍通典

三十二年八月 幸木蘭行圍時哈薩克使臣都勒特克勒等入覲 命扈行圍通典

三十三年奏准東三省學習隨圍人等令其揀選一半攜帶虎槍來京會典事例

三十五年八月 上幸木蘭行圍時喀喇沁郡王喇特納錫第等於 行營南門外設大廳廬進 上膳通考

三十六年九月 幸木蘭行圍時土爾扈特汗烏巴什率全部歸順至伊縣峪朝覲 御製詩以紀事通典

三十七年八月 上幸木蘭行圍是年定圍場數爲十五通考

三十八年八月 上幸木蘭行圍 上自行營度齊爾伯庫嶺甫七里卽停蹕傳膳因 賜扈從近臣及隨圍

蒙古王公并入覲之土爾扈特等朝餐通考

四十年九月 上幸木蘭行圍凡近崖口處獸尙少是時 上初入崖口祇射一箭卽中一麇是年 皇曾孫

奕純九歲卽隨圍通考

四十一年八月 上幸木蘭行圍通考

四十五年五月 諭曰今年係朕七旬萬壽辦理班禪額爾德尼前來熱河朝覲筵宴念經等事過朕萬壽後

始念濟爾嚕經俟念完時再行進哨未免太遲今歲不必進哨將此曉諭各該處所有進哨俱著停止通考

四十六年八月 上幸木蘭行圍通考

四十七年諭此次東三省派出學習隨圍人等到來甚早今屆進哨日期較遠伊等在此居住不無糜費且於

伊等無益著該將軍嗣後隨圍人員約計於七月十九日至二十三日以內抵熱河朕明年巡幸盛京伊等毋

庸前往嗣後每年卽遵此旨辦理會典事例

五十年八月癸巳 上自避暑山莊巡幸木蘭行園 東華錄

五十一年二月乙酉 上幸南苑行園己丑 上還宮 東華錄

五十二年八月辛亥 上自避暑山莊巡幸木蘭行園

又諭今日首旗侍衛伊進泰等四人並不帶領首旗行走竟在看城近處等候首旗將到迎出塞責殊屬膽大偷安行圖興行師紀律無異昔太宗聖祖時於園中失律之人俱曾從重治罪數年來屢經朕從寬宥

免伊等毫無畏懼以致首旗侍衛等竟敢如此塞責偷安不可不嚴行懲治伊進泰塔勒必善六十四倭什勒等均著革職伊等查係何處人卽著交該處將軍等令其充當苦差其餘首旗侍衛進德四保亦係未帶領首旗行走但據稱曾至中軍驛處較伊進泰等尙屬有閒俱著革職領園大臣等並分別議處以示炯戒 東華錄

五十三年八月 上自避暑山莊巡幸木蘭行園 東華錄

五十四年己酉四月甲辰 上諭內閣據兵部奏稱此次進哨所有外省輪班學習隨園之杭州乍浦荊州三處官兵可否令其前來之處請旨施行等語各處駐防官兵向居外省於行園之道不能諳練相沿日久遂失滿洲舊風漸近漢人習氣嗣後凡遇行園自應遵照舊例令其輪班前來學習行園所有此次輪班學習隨園之杭州乍浦荊州三處官兵卽令其計程於八月初旬前抵熱河 聖訓

五十六年奉 旨嗣後駐蹕熱河著停其放地等會典事例

五十七年三月諭內閣朕昨日駐蹕臺麓寺行宮因北垣外並未設堆撥亦未傳籌將管理行營之前鋒統領

護軍統領及總理行營事務之王大臣等分別議處以示懲戒矣朕辦事五十餘年加恩衆庶天下太平則朕夙夜獨行亦復何虞獨是衆多臣僕隨君出狩竟不設堆撥不行傳籌有是理乎將來子孫亦或有巡幸各處者凡駐蹕之處牆垣週圍不設堆撥不行傳籌必至舊制廢弛不成事體著每次行圍時令總理行營事務處及護軍統領等務將此旨宣示一次

聖訓

八月壬申諭蒙古王公等奏令歲值有閏月哨內已降霜雪且過哨鹿之時請暫停進哨等語山莊氣候早涼該王公等以朕年過八旬誠心籲懇且駐蹕此處待紅旗捷報道路較近尙可早到數日著照所請停止進哨但隨圍人等業已遠來豫備不無需費著加恩仍照例各減半賞給卽令回京其御前乾清門行走之額駙及衆閒散蒙古王公等俟十六日在惠迪吉門瞻覲後均令各回游牧其由京前來之前鋒護軍等各管官兵亦著無庸前赴熱河以示體恤

東華錄

五十九年諭行在內閣令歲雨水較多道路泥濘且朕八旬有四非疇昔馳馬射獵時可比已降旨曉諭本年不進哨矣所有蒙古王公台吉著照去年於八月二十日送朕啟鑾卽令各回游牧且不久卽值年班伊等俱可至京但上圖蒙古等雖未曾束裝啟行究已豫備茲令安居游牧承受朕恩更於伊等有益著加恩照前年例減半賞賚明歲大十年亦不進哨仍在熱河舉行慶典禮畢進京俟丙辰年歸政稱太上皇帝時朕仍進哨彼時朕無庸乘馬射獵惟安坐看城以觀嗣皇帝率領衆王公大臣蒙古王公台吉及外藩人等行圍實千古罕觀盛舉惟爾臣僕恭遇嘉祥亦必共相欣忭也

聖訓

嘉慶元年二月戊午 上待太上皇帝幸南苑 上行圍 東華錄

八月丙子以雨詔停秋獮

東華錄

三年 太上皇帝勅諭內閣朕精神疆固諸事吉祥年歲豐稔是以降旨仍照前例進哨今御前乾清門行走蒙古額駙巴圖等奏稱今年哨內雨水過多降霜已早懇請暫停進哨等語朕已八旬有八雖復康疆而進哨時亦未能照前馬上射獸不過御看城觀閱而已且教匪將屠撲滅大功尙未告成京中拴養馬匹已於去歲解往軍營今若進哨不免調取紛繁蒙古王公等既抒誠籲懇著照伊等所請暫停進哨但隨圍人等業已預備既不行圍其治辦行裝不免徒費著施恩仍照上次賞給一半不必前來以示朕軫恤蒙古臣僕之意所有御前乾清門行走及散秩王公等著仍於節後各歸游牧處所京中應來之王公大臣侍衛及各營衙門官員兵丁等均無庸前來大功將次告成俟明年歲收豐熟雨水調勻再行進哨亦無不可

聖訓

六年諭今秋往木蘭行圍大營所用車輛及除道成梁等事皆需民力此次大水所淹豈止數十州縣秋禾無望若重費民力予心不忍我 皇考自乾隆六年始行秋獮今年雖係六年尙在 皇考三周年內遠行射獵終非所宜朕意今秋停止巡幸諸臣其速議以聞會典事例

七年諭內閣本日至避暑山莊甫經下馬適遞到額勒登保等六百里加緊奏報官兵殲斃首逆苟文明並擒斬餘黨大喜捷音此皆 天上垂恩 皇考賜佑欣感之餘翻增感涕秋獮大典爲我朝 家法相傳所以肄武習勞懷柔藩部者意至深遠我 皇考臨御六十餘年於木蘭行圍之先 駐蹕避暑山莊歲以爲常 勅幾勤政之暇款洽蒙古外藩垂爲令典是避暑山莊實爲 皇祖 皇考在天靈爽式憑之地朕祇承 鴻緒不敢稍自暇逸特於今秋涓吉啟鑾舉行秋獮實本繼 志之誠若以山莊爲從事游覽則京師宮館池臺豈

不較此間更爲清適而必跋涉道途衝履泥淖遠臨駐蹕乎朕之敬遵 成法不敢偷安必欲前來山莊之忱
惻 皇考實鑒臨之是以清蹕纔停捷書已至 眷佑所昭如響斯應朕披覽奏函瞻依 居處不覺聲淚俱
下召見軍機大臣時至於哽咽不能宣旨此實至情所感不能自已當命將此摺遍示內外王公滿漢諸臣亦
莫不額手稱慶彼止朕此行之漢員適見其愚懵不曉事耳至荀文明爲積久著名首逆與羅其清冉文儒等
一同起事頻年以來在川陝楚三省地方輾轉奔逃肆意擄掠實爲罪大惡極經額勒登保督率官兵屢次剿
殺勢極窮蹙而尙於大山密林內潛匿四竄希圖免脫又復數月今在花石巖地方經官兵四路搜逼立時戮
斃斬級梟示並將餘匪盡數殲除皆由額勒登保調度得宜所致雖辦理稍覺遲延而首逆終就殄滅實不愧
經略之任殊屬可嘉邪教起事各首逆俱已陸續辦淨祇餘荀文明一犯今該逆復經殲斃是積年著名巨惡
業已悉數掃蕩其零星奔竄之蒲添寶等祇係近日攢聚殘匪爲首之犯且爲數無多現有參贊德楞泰等督
兵搜捕肅功大局已得十之九額勒登保著加恩晉封一等伯賞還雙眼花翎俟陝省零匪全數肅清再加恩
齊提督楊遇春雖係事後趕到而督率搜剿亦屬勤奮著交部議敘其奮勇出力殊筆圈出之李應貴張廷楷
吳廷剛李應元特依 保張超王兆龍祝廷彪黎炳謝天瑞丁永安張必祿藍翎馬兵楊貴等或應加升一等
或應交部議敘或應賞戴翎枝著額勒登保等分別等第開單保奏其餘如尙有出力人員亦著一併查明具
奏候旨加恩並發去青玉扳指十個鼻烟壺十個大荷包五對小荷包十對分賞出力員弁一兩重銀牌二百
面五錢重銀牌二百面分賞出力兵勇以示獎勵將此通諭知之 聖訓

八年諭內閣國文 承平不忘肄武每歲木蘭行圍簡蒐軍實無以綏懷藩服意至深遠我 聖祖仁皇帝在位

六十餘年歲時出口行圍著爲恆典朕恭閱 高宗純皇帝實錄內載雍正四年 世宗憲皇帝諭旨以校獵講武一事朕年來未一舉行庸劣無知之員及怠惰不堪之兵丁頗有以朕之不往爲是者此皆愚賤之人偷安自便不知大體之論國家武備關繫緊要朕欲俟經理政事悉皆得宜卽當於農隙之時躬行獵狩之禮欽此仰見 世宗憲皇帝垂諭諄諄雖未及親舉行圍而訓練滿洲之意未嘗一日忘也我 皇考高宗純皇帝敬承 世德每歲舉行秋獮大典自平定西域以來新疆諸部絡繹來庭其中多有係生身者每於山莊展覲聖翼避暑山莊後序以後世子孫當毋忘 家法習武木蘭後人如忘此言則與國休戚之大臣以及骨鯁忠直之言官隨時進諫 訓辭肫摯不啻面命耳提朕纘紹 丕基若於行圍舊典竟不率由而蒙古諸藩王及新疆諸部曾不加之款洽聯爲一體是不能仰隨 祖考之心以爲心實愧且懼設云事近遊觀殊不知盤於遊畋古人示戒原爲侈耳目之娛今則習勞舉典正由不自暇逸如果以暇逸爲事則御園憩賞之處較之塞外山莊清勝迴殊更何耽戀於彼況蹕路所經設雨水泥濘跋涉維艱人情莫不好逸而惡勞朕何獨好爲此舉乎且朕日以肄勞講武爲訓而近日八旗官員於騎射尙多不能嫺熟者若竟停止行圍伊等竟日事恬熙漸忘本務何以仰承 列聖教養之盛心朕實不敢出此亦不忍不遵 皇考屢次教導之 聖訓著將此旨明白宣示俾共知朕意 聖訓

九年諭內閣嗣後進哨舉行秋獮典禮一二品以上各大臣隨至圍場者著給領馬三匹其不隨至圍場僅止隨扈進哨者著給領馬二匹以示體恤至此次停止進哨所有扈從迴鑾之大臣侍衛官員兵丁等應得馬匹仍著照舊例給領 聖訓

十一年諭內閣自嘉慶七年以來每遇朕進哨收圍時園外有蒙古僕役乘馬持竿者甚多俟鹿隻逸出卽行套捕送與蒙古王公台吉等作爲自射呈進希圖邀賞黃馬褂花翎甚至該王公等以此轉送他人其人亦呈進希冀邀恩此等僕役難保非各蒙古王公等所使朕率各王公大臣侍衛官兵等進哨行圍原以習勞肄武圍場切近地方豈容蒙古僕役等任意馳驅殊非體制且儆倖之習一開必至廢棄騎射舊業關繫匪輕著交理藩院傳諭各蒙古王公等嗣後各將屬下嚴加管束毋許套拏牲獸並著管理圍場大臣遇有園外套拏牲獸之蒙古卽行嚴拏將該僕役併該蒙古王公等一體治罪

聖訓

十六年諭內閣毓秀溫承惠奏查辦圍場北柵外店鋪窩鋪一摺所有北柵外舊有大道旁開設各店鋪卽著照所議分別存留拆挪辦理其該處租種蒙古地畝民人亦應立定章程不得在距柵木三十里以內招認開墾搭蓋窩鋪以杜偷漏圍場鹿茸角嗣後距柵木三十里以內有開設店鋪及開墾地畝者如何責成查禁其查禁不力之該管地方並招募民人開墾之蒙古扎薩克章京等作何查參辦理並著直隸總督會同熱河都統妥議章程具奏

聖訓

十八年六月癸亥增設熱河圍場卡倫及兵額

東華錄

十九年乙丑諭據滿珠巴咱爾奏查明木蘭各處圍場牲獸甚少本年正二月間大雪數次至今尙未融化三月十九以後又連日大雪道途泥濘異常等語本年哨內入春以後雪澤尙少山路泥濘再經夏秋水自必倍難行走且各處圍場牲獸較少亦應略爲寧息所有本年木蘭秋獮典禮著暫行停止俟明歲照例舉行至今秋旣不行圍亦無庸臨幸

東華錄